

մատուռի շինութեան հետ չեն կապված:

Մատուռի արևելյան ճակատին, փոքրիկ լուսամուտի գլխին, տանիքի կողերի միացմամբ կազմված անկյունն ամբողջապես զարդարված է քանդակներով (պատկ. 51). վերևը մի պատող սվաստիկա, նորա տակ թևատարած արծիվը մագիլների մեջ բռնել է մի խոյ, արծվի յերկու կողմից մի մի սիրամարգ, վորոնցից աջ կողմին ամբողջապես դարձած է դեպի արծիվը, իսկ

ի յիշխանութեանս Պռոշոյ ես Մխիթար ու Դեղս կա/նգնեցաք զխաչս եղբաւր մերոյ / Շաշին ի բարէխաւս»:

Յերկրորդ խաչքարն ունի $2,6 \times 1,22$ մետր մեծութիւն, հետևյալ արձանագրութեամբ. «Ի թվիս 2ժե. ես Ղուկաս եւ Եղիա կա/նգեցաք ըզ խաչս ի բար/էխաւսութի հաւր իմոյ Տիրատէր քահան ի/



Պռոշյանց դարբասի դրան ճակատաքարը, Բաշքյանդում. պատկեր 49.

մյուսը դեպի ձախ ուղղված, բայց թեքել է գլուխը դարձյալ դեպի արծիվը: Քանդակի մնացած մասը, բուսական, դեկորատիվ զարդեր են:

Դյաբըզ կամ Վերին Ախտա գյուղում, վոր գտնվում է գետակի մյուս կողմը, աջ ափին, ձորամիջի մի բարձր ժայռի գլխին կա փոքրիկ յեկեղեցի, իսկ ժայռի յերեսը ծածկված է բազմաթիվ խաչաքանդակներով: Զաւլայանի տեսած «մահարձանը» քառանկյունի, սյունաձև մի կոթող է, $3,2$ մետր յերկարութեամբ, կողերը 60×50 սմ., վոր հաստատված է յեղել պատվանդանի վերա, իսկ դագաթը պսակված պտորհանաձև (փակ, կեղծ պատուհան) մի քարով, յուր կարգին հաստատված $0,6 \times 0,83$ պատվանդանի վերա. քարի յերեսը ծածկված է այժմ անընթեռնելի գրով, իսկ քարի վերա հաստատված է Տիրամոր պատկերը «Ի գրկի ունելով զՓրկիչն աշխարհի»: Վերոհիշյալ ժայռից քիչ հարավ կանգուն են մի շարք խաչքարեր, մի քանիսը մեզ համար կարևոր արձանագրութեաններով և 1261, 1266 և 1271 թվականներով, վոր տարաբաղդարար յերկոյանալու պատճառով լուսանկարել չկարողացանք:

Դոցանից առաջինը կոտրած է. ներքևի մասում ունի հետևյալ արձանագրութեանը. «Ի թվ. 2ժԱ. /

շխանութը (Ի չի կրկնված) Պռոշայ»*:

Յերրորդը կից է սորան $1,85 \times 1,5$ մ. մեծութեամբ. «Ի թվ. հ. 2ժԻ. իշխան/ութը Պռոշոյ / կամանայ (աստուծոյ) ես Սարգիս Գրիգոր կան/նեց/աք զխաչս ի բար[ե] / խաւս մեզ և զա(ւակաց) կղկը ?

Ըստ Զաւլայանի այս գյուղում պետք է յեղած լինի մի ուրիշ խաչքար $2\text{լե} = 1286$ թվից, «Ի Դեղէ, յիշխանութեան Պռոշոյ և Ամիր Հասանայ», վոր մենք գտնել չկարողացանք:

Պռոշի մահը Մխիթար Այրիվանեցին նշանակում է 1281 թվից հետո և Արղունի թագավորելուց (1284 թվին) առաջ. «Փոխեցան ի Քրիստոս աշխարհաշէն իշխանքն Պռոշ և Սաղուն Արծրունի»**. սակայն հաստատ գիտենք, թե նա կենդանի յեր 1283 թվին Գեղարդի մեծ արձանագրութեան համեմատ (տ. Հավել. Ա. 17), Բայց մի անձանոթ ժամանակագիր Սաղունի մահը վորոշ կերպով նշանակում է 1285 թվին¹. Որքեր-

* Զաւ. Բ. 205. Այլիշան 175: Սոքա չունին արձանագրութեանների բնագիրները:

** Այրիվանեցի 68:

¹ Սամուէլ Անեցի. շարունակ. յեր. 163. Շողակաթ. յեր. 26: